



## **Skýrsla stjórnar um starfsárið 2022- 2023**

**Lögð fram á ársfundi 16. maí 2023**

## **Inngangur**

Á ársfundi 24. maí 2022 var kosið í stjórn og fulltrúaráð AkureyrarAkademíunnar en samkvæmt skipulagsskrá kýs ársfundur sjö manna fulltrúaráð, þar af þrjú í stjórn til eins árs í senn, úr hópi skráðra fulltrúa.

### **Stjórn 2022-2023:**

- Sigurgeir Guðjónsson, formaður
- Þórhallur S. Bjarnason, gjaldkeri
- Steinunn A. Ólafsdóttir, ritari

### **Fulltrúaráð 2022-2023:**

- Gunnar Árnason
- Jakob Þór Kristjánsson
- Jón Hjaltason
- Margrét Guðmundsdóttir

Framkvæmdastjóri í 50% starfi er Aðalheiður Steingrímsdóttir.

Stjórnin hefur haldið sjö stjórnarfundi á starfsárinu. Fulltrúar í fulltrúaráði hafa einnig setið fundina þegar þeir hafa haft tæk á.

Stjórn AkAk þakkar öllum sem komið hafa að starfseminni á starfsárinu fyrir þeirra framlag og ánægjulegt samstarf.

Akureyri 12. maí 2023

F.h. stjórnar

Sigurgeir Guðjónsson, formaður

# Skýrsla stjórnar um starfsárið 2022- 2023

Skýrslan skiptist í fjóra kafla með hliðsjón af stefnu AkAk sem samþykkt var á ársfundi 2021.

1. Fjármál og rekstur
2. Aðstaða og faglegt starf
3. Miðlun upplýsinga
4. Ytra samstarf

## 1. Fjármál og rekstur

Markmið stefnu AkAk um fjármál og rekstur er að tryggja öryggi í fjármálum og stöðugleika í rekstri.

Fyrsti samstarfssamningur AkAk við mennta- og menningarmálaráðuneytið um rekstrarframlag á fjárlögum var gerður árið 2015 en þá var lagður grunnur að stöðugleika í rekstri og starfsemi AkAk. Samningurinn gildi út árið 2017 og eftir það hafa verið gerðar árlegar framlengingar. AkAk fellur nú undir málefnasvið háskóla-, iðnaðar- og nýsköpunarráðuneytis eins og önnur þekkingarsetur í landinu. Selma Dögg Sigurjónsdóttir var tengiliður ráðuneytisins við AkAk er nú hefur Sigurður Steingrímsson tekið við því hlutverki. Stjórnin átti tvo fundi með tengiliðum, þann fyrri í apríl 2022, til að kynna AkAk og ræða tengsl AkAk og ráðuneytisins, og þann seinni í júní 2022, til að upplýsa um fyrirhugaðar framkvæmdir í Sunnuhlíð vegna heilsugæslunnar.

Á árinu 2022 var rekstrarframlag AkAk á fjárlögum 9,7 m.kr. og samkvæmt upplýsingum ráðuneytisins er gert ráð fyrir að framlög til þekkingarsetra á þessu ári verði hækkuð um 10%.

Ársreikningur AkAk fyrir árið 2022 sýnir jafnvægi í fjármálum og rekstri og er rekstrarafkoma ársins jákvæð um 4,3 m.kr. Rekstrartekjur eru 18,1 m.kr. og rekstrargjöld 12,4 m.kr.

Upphafleg upphæð lánsins sem tekið var til að kaupa húsnæði AkAk í Sunnuhlíð er 20,250 m.kr. og er mánaðarleg afborgun af því nú 207,000 kr., þar af eru vextir kr. 176,000, eða um 85%. Til samanburðar má geta þess að í maí á síðasta ári var vaxtahlutfallið tæplega 71% af mánaðarlegri afborgun lánsins, en vextir hafa hækkað mikið síðan þá. Eftirstöðvar af láninu eru nú 18,5 m.kr.

## 2. Aðstaða og faglegt starf

Markmið stefnu AkAk um aðstöðu og faglegt starf er að bjóða einstaklingum upp á góða aðstöðu og þjónustu til að vinna að hugðarefnum sínum og að efla samveru og þverfaglegt samstarf á vettvangi AkAk.

## Húsnæði, aðstaða, þjónusta og innanhústarf

Í húsnæði AkAk eru vinnuþláss fyrir 12 einstaklinga hverju sinni. Að auki leigir bókhaldsþjónustan Dill ehf. rými í húsnæði AkAk og þar starfa tveir starfsmenn.

Alls voru 18 einstaklingar með vinnuaðstöðu hjá AkAk á starfsárinu 2022- 2023, til lengri eða skemmri tíma: Anna Dúa Kristjánsdóttir, Benedikta Guðrún Svavarsdóttir, Bryndís Fjóra Pétursdóttir, Bryndís Indíana Stefánsdóttir, Daníel Björn Baldursson, Gunnar Árnason, Helga A. Erlingsdóttir, Jón Örn Pálsson, Magnús B. Jóhannsson, Margrét Guðmundsdóttir, Rán Þórarinsdóttir, Sandra Rebekka Ö. Arnarsdóttir, Sara Stefánsdóttir, Sigurgeir Guðjónsson, Silja Jóhannesar Ástudóttir, Valgerður H. Bjarnadóttir, Þórhallur S. Bjarnason og Þröstur Ásmundsson.

Á starfsárinu 2021-2022 voru 16 einstaklingar með vinnuaðstöðu hjá AkAk og einnig á starfsárinu 2020-2021.

Eins og áður hefur innanhúsfólk unnið að fjölbreyttum viðfangsefnum: sinnt verkefnum í fjarvinnu, frumkvöðla- og nýsköpunarverkefnum, vefsíðugerð, handritsgerð, þýðingum, kennslu og námskeiðum, unnið að rannsóknum og verið í háskólanámi.

Á haustmisseri var ráðist í að bæta aðstöðu innanhúsfólks til að vera í námi og sinna öðrum verkefnum, óháð staðsetningu, og nýjum búnaði komið fyrir í fundarherberginu. Einnig voru keypt þráðlaus heyrnartól sem innanhúsfólk hefur aðgang að, og lofthreinsitæki til að bæta loftgæði í húsnæðinu.

Einn liður í stefnu AkAk er að leggja fyrir árlegar kannanir meðal innanhúsfólks þar sem spurt er um viðhorf þess til aðstöðu og þjónustu hjá AkAk. Markmiðið er að greina starfsemina og að nýta niðurstöður til að bæta hana. Viðhorfskönnunin var lögð fyrir í byrjun maí og send til þeirra sem hafa verið með vinnuaðstöðu hjá AkAk á þessu og síðasta ári. Niðurstöðurnar verða kynntar á ársfundi AkAk 2023. Fyrsta viðhorfskönnun af þessu tagi var lögð fyrir í apríl 2022 og var þátttaka um 79%.

Löng hefð er fyrir félagslegri samveru og ýmsu samstarfi innanhúsfólks, eins og tiltektardögum, súpufundum, vorferðum og jólaboðum. Á súpufundum hittist fólk í hádeginu og segir frá verkefnum sínum og rætt er um það sem er á döfinni í starfsemi AkAk.

Tiltektardagur var haldinn 10. júní, og lagað til í húsnæðinu eftir veturinn. Farið var í vorferð 29. júní og haldið til Húsvíkur til að heimsækja Þekkingarnet Þingeyinga. Í ágúst var opið hús í tilefni af Akureyrarvöku og bæjarbúum boðið að koma í heimsókn til að kynna sér starfsemina og skoða aðstæður. Á haustmisseri voru haldnir þrjú súpufundir og jólaboð fór fram 9. desember í Zontahúsinu.

Á vormisseri voru fjórir súpufundir haldnir og boðið var upp á ýmsar kynningar. Gunnar Páll Árnason hjá bókhaldsþjónustunni Díl ehf. kynnti skattareglur um sjálfstætt starfandi einstaklinga, Martina Huhtamáki kennari við háskólann í Helsinki kynnti rannsókn á málslega landslaginu í Sunnuhlíð sem hún vann að hjá AkAk og Friðbjörg Ingimarsdóttir, framkvæmdastjóri Hagþenkis, félag höfunda fræðirita og kennslugagna, kynnti félagið og starfsemi þess.

### **Framkvæmdir í Sunnuhlíð**

Frá því í ágúst 2022 hafa verið miklar framkvæmdir í Sunnuhlíð við að koma norðurstöð heilsugæslunnar á Akureyri fyrir á annarri hæð núverandi byggingar og í viðbyggingu sem verið er að reisa til norðurs. Fasteignafélagið Reginn hf. sem á meirihluta húsnæðis í Sunnuhlíð er í forsvari fyrir þessum framkvæmdum með samningum við Framkvæmdasýslu ríkisins. Gert er ráð fyrir að framkvæmdum ljúki í árslok 2023 og ganga þær í meginatriðum út á að loka alveg á milli fyrstu og annarrar hæðar í núverandi byggingu, reisa nýja viðbyggingu, og að koma starfsmannaaðstöðu heilsugæslunnar fyrir í kjallaranum. Einnig verður farið í gagngerar breytingar á lóð, gangstéttum og bílastæðum. Áfram er gert ráð fyrir blandaðri starfsemi á fyrstu hæðinni, eins og verið hefur.

Áður en framkvæmdir hófust ákváðu aðrir eigendur í húsinu að selja Reginn hf. hluta af sameign þeirra og lóð og var gengið frá kaupsamningum í maí. AkAk seldi sinn hluta fyrir 4,7 m.kr. Samningur AkAk og Regins felur líka í sér að Reginn sjái um og greiði kostnað við breytingar í eldhúsinu í húsnæði AkAk sem felast í að dyr verða gerðar út á pall sem verður samnýttur með Samfylkingunni. Verktakinn með framkvæmdunum í Sunnuhlíð gerir ráð fyrir að farið verði í þessar breytingar í sumar.

### **Húsfélagið í Sunnuhlíð**

Í vor ákváðu eigendur í Sunnuhlíð að Húsfélagið taki að sér að vera með eina sameiginlega Húseigendatryggingu í húsinu í stað þess að hver eigandi sjái um sínar tryggingar og var gengið til samninga við Sjóvá. Aðrar tryggingar sem AkAk er með verða áfram hjá VÍS.

## **3. Miðlun upplýsinga**

Markmið stefnu AkAk um miðlun upplýsinga er að efla fjölbreytta miðlun um starfið til að auka sýnileika í samfélaginu.

### **Ný vefsíða**

Haustið 2022 var gerður samningur við hugbúnaðarfyrirtækið Stefnu um að hanna nýja vefsíðu fyrir AkAk sem væri aðgengilegri og notendavænni en sú sem hefur verið notuð frá árinu 2015. Nýja vefsíðan var tekin í notkun í byrjun apríl sl. og sér AkAk um ritstjórn vefsíðunnar en Stefna hefur með höndum kerfislega umsjón og aðstoð. Á vefsíðunni er m.a. gagnagrunnur um verkefni sem fólk hefur unnið að

hjá AkAk frá árinu 2006 og um viðburði sem AkAk hefur staðið fyrir frá sama tíma sem hægt er að fletta upp í með leitarorðum. Gagnagrunnurinn verður uppfærður reglulega með nýjum verkefnum og viðburðum.

## **Fréttabréf**

Á starfsárinu komu út samkvæmt áætlun fimm fréttabréf en þau hófu göngu sína í nóvember 2020. Tilgangur fréttabréfanna er að miðla upplýsingum til félaga og samstarfsaðila um það helsta sem er efst á baugi í starfinu hverju sinn hjá AkAk og að styrkja gagnkvæm tengsl og samskipti. Á milli þess sem fréttabréfin koma út hefur innanhúsfólk skrifað pistla um sjálfvalið efni sem tengist AkAk og birt í svæðismiðlum.

## **Kynningarbæklingar**

Í október kom út kynningarbæklingur á íslensku um AkAk og í janúar var bæklingurinn gefinn út á ensku. Bæklingarnir liggja frammi á opinberum stöðum hér í bænum og eru afhentir þeim sem heimsækja AkAk. Stjórn, fulltrúaráð og framkvæmdastjóri sáu um íslenska textann og leitað var til kennara í MA um að þýða hann á ensku. Kompan hönnun ehf. sá um hönnun og umbrot bæklinganna og Prentsmiðjan.is um prentun. Íslenski bæklingurinn var gefinn út í eitt þúsund eintökum og sá enski í 250 eintökum.

## **4. Ytra samstarf**

Markmið stefnu AkAk um ytra samstarf er að skapa brú milli fræða og samfélags með samstarfi við almenning, fyrirtæki, stofnanir og opinbera aðila.

## **Akureyrarbær**

Vorið 2021 gerðu Akureyrarbær og AkureyrarAkademían með sér þriggja ára samstarfssamning sem hefur það markmið að styðja við frumkvöðlastarf og um leið starfsemi AkAk með því að bjóða tveimur einstaklingum sem vinna að þróun nýsköpunar- og frumkvöðlaverkefna upp á vinnuaðstöðu í húsnæði AkAk sem Akureyrarbær greiðir fyrir. Úthlutunartímabil eru tvö á hverju ári, annars vegar frá 1. mars – 31. ágúst og hins vegar frá 1. september – 28. febrúar og er auglýst eftir umsóknum í janúar vegna fyrra tímabilsins og í ágúst vegna þess síðara. Við mat á umsóknum skal m.a. taka mið af eftirfarandi þáttum:

- a) Nýsköpunargildi þeirra hugmynda sem felast í því verkefni sem umsækjendur ætla að vinna að.
- b) Að öðru jöfnu skal miða við að hugmynd og/eða viðskiptaáætlun sé í þróun og að eiginleg starfsemi sé ekki hafin. Gæta skal þess að verkefni umsækjanda sé ekki í samkeppni við starfsemi sem fyrir er á markaði.
- c) Að verkefni umsækjanda falli vel að því starfi sem fyrir er hjá AkureyrarAkademíunni.

Yfirlit yfir úthlutunartímabil frá hausti 2021 en þá var í fyrsta skipti auglýst eftir umsóknum.

<b>Úthlutunartímabil 1. september 2021 – 28. febrúar 2022:</b> Þrjár umsóknir, einn umsækjandi hætti við, hinir tveir þáðu vinnuáðstöðuna.
<b>Úthlutunartímabil 1. mars 2022 – 31. ágúst 2022:</b> Engar umsóknir þrátt fyrir ítrekaðar auglýsingar.
<b>Úthlutunartímabil 1. september 2022 – 28. febrúar 2023:</b> Ein umsókn og þáði umsækjandi vinnuáðstöðuna.
<b>Úthlutunartímabil 1. mars 2023 til 31. ágúst 2023:</b> Tvær umsóknir og þáðu umsækjendur vinnuáðstöðuna.

Þó að öll vinnupláss gangi ekki út þá greiðir Akureyrarbær samt sem áður fyrir þau, og eru greiðslur gerðar upp tvisvar á ári. Samningurinn við Akureyrarbæ gildir til 1. maí 2024.

### Háskólinn á Akureyri

Núverandi samstarfssamningur AkAk og HA gildir til september 2023. Markmið samningsins er m.a. að efla samstarf milli aðila og stuðla að sem bestri nýtingu sérfræðilækkingar, kunnáttu, efniviðs og aðstöðu sem samningsaðilar búa yfir.

Samkvæmt samningnum sendir AkAk árlega upplýsingar til HA um þá fræði- og vísindamenn sem starfa innan AkAk með það fyrir augum að HA geti leitað til þeirra með að taka að sér stundakennslu eða önnur verkefni.

Eftir að samkomutakmörkunum var aflétt vegna kórónuveirunnar þegar kom fram árið 2022 fóru fundir samstarfsaðila aftur af stað.

Á starfsárinu hefur verið unnið að eftirfarandi viðfangsefnum:

- Opinn hádegisfundur um vísindasamfélagið á Akureyri var haldinn þann 17. maí í HA. Inngangserindi héldu annars vegar Margrét Guðmundsdóttir sagnfræðingur um 15 ára rannsóknarsögu AkureyrarAkademíunnar og hins vegar Eyjólfur Guðmundsson, rektor Háskólans á Akureyri, um umhverfi og aðstöðu fyrir rannsóknir og fræðastarf á Akureyri. Eftir erindin fóru fram umræður um hvernig megi efla Akureyri sem eftirsóknarverðan kost fyrir vísinda- og fræðafólk til að starfa að sínum rannsóknum.
- Doktorsnemar í HA komu í heimsókn til AkAk í september til að kynna sér starfsemina og aðstæður.

- Í febrúar tilnefndi HA tengilið í samstarfinu við AkAk. Nýi tengiliðurinn heitir Katrín Eiríksdóttir og er hún verkefnastjóri á skrifstofu Hug- og félagsvísindasviðs.
- Stefnt er að því að vera með Þekkingarþing háskóla og þekkingarsetra á Norður- og Austurlandi í HA í október með það fyrir augum að koma á tengslum og samstarfi.

## ReykjavíkurAkademían

Samstarfssamningur AkAk og ReykjavíkurAkademíunnar (RA) gildir til apríl 2024. Markmið samningsins er að efla samstarf milli akademíanna og félaganna með áherslu á samráðsfundi og málþing, miðlun hagnýtra og stjórnunartengdra upplýsinga, rannsóknir og miðlun, og nýtingu aðstöðu og húsnæðis. Samningurinn felur m.a. í sér að þeir sem leigja vinnuaðstöðu á hvorum stað fyrir sig geta fengið endurgjaldslaus afnot af vinnuaðstöðu í hinni akademíunni, allt að einum mánuði.

Á starfsárinu hefur verið unnið að eftirfarandi verkefnum:

- Í byrjun nóvember hélt RA málþing í fyrirlestrarsal Þjóðarbókhöllu í tilefni af 25 ára afmæli sínu undir yfirskriftinni *Sjálfstæðir rannsakendur – umhverfi og áskoranir*. Þrjú fulltrúar frá AkAk sóttu málþingið, Sigurgeir Guðjónsson, stjórnarformaður, Margrét Guðmundsdóttir, fulltrúi í fulltrúaráði og Aðalheiður Steingrimsdóttir, framkvæmdastjóri. Margrét var jafnframt með fyrirlestur á málþinginu, af hálfu AkAk. Á málþinginu var einnig kynnt skýrsla um verk sem fólk hefur unnið að hjá akademíunum en Nýsköpunarsjóður námsmanna veitti styrk til þessa verkefnis. Daginn eftir var haldinn vinnufundur akademíanna þar sem rætt var um samstarf þeirra.
- Í febrúar fór fram fundur stjórna akademíanna þar sem rætt var um mögulega aðild akademíanna að IRIS (Icelandic Research Information System) sem er sameiginlegt rannsóknarupplýsingakerfi fyrir allar helstu rannsóknarstofnanir, háskóla og heilbrigðisstofnanir á Íslandi. Í kerfinu eru upplýsingar um rannsóknarverkefni og styrki og allar rannsóknarafurðir rannsakenda við háskóla og rannsóknarstofnanir á Íslandi, sem og upplýsingar um samstarf milli rannsakenda. Samtals 10 stofnanir eiga nú aðild að kerfinu og hefur Landsbóksafn Íslands - Háskólabókasafn umsjón með því. Hver stofnun greiðir tiltekið grunngjald sem er jafnt fyrir hverja stofnun og að auki greiðir hver stofnun gjald fyrir hvern starfsmann sem er virkur rannsakandi, það er stundar rannsóknir, birtir og fær styrki úr opinberum samkeppnissjóðum til rannsóknarverkefna. Eftir fundinn tók stjórn AkAk þá ákvörðun að ekki væri tímabært að sækja um aðild að IRIS að sinni en að fylgjast með framvindu kerfisins og að skoða þá aðild síðar. Stjórn RA samþykkti að sækja um aðild að IRIS.
- Í mars hittust þrettán félagar akademíanna yfir helgi á Hótel Laugarbakka í Miðfirði til þess að kynna, gleðjast og ræða aukna samvinnu, sex frá AkAk og sjö frá RA. Laugardagurinn var notaður til að heimsækja áhugaverða staði, Textílmíðstöð Íslands á Blönduósi, Þingeyrakirkju,



Kolugljúfur í Víðidal, Víðidalstungukirkju og Selasetrið á Hvammstanga. Á sunnudeginum var haldin vinnustofa um aukið samstarf félaga og akademíanna. Þar sköpuðust góðar umræður og fjöldi góðra tillagna kom fram og var samhljómur um að gera þessa helgi að fyrsta árlega fundi akademíanna. Búið er að taka saman skýrslu um vinnufundinn og drög að aðgerðaráætlun um samstarf akademíanna sem verða tekin til umræðu í stjórnnum þeirra.

## **Viðburðir**

### **Fyrirlestrar fyrir íbúa hjúkrunarheimilanna og aðra bæjarbúa**

Undanfarin ár hefur verið samstarf í gangi á milli AkAk og öldrunarheimila Akureyrar, og nú hjúkrunarheimila Heilsuverndar, sem felur í sér að bjóða íbúum heimilanna upp á fræðandi og aðgengilega fyrirlestra um fjölbreytt viðfangsefni sem eru líka opnir fyrir aðra bæjarbúa. AkAk leitar bæði til félaga sinna um tillögur að fyrirlestrum og líka til einstaklinga utan hópsins.

Í febrúar 2022 úthlutaði Norðurorka hf. styrkjum til samfélagsverkefna og fékk AkAk styrk til að halda fjóra fyrirlestra á árinu 2022 fyrir íbúa heimilanna á Akureyri og aðra bæjarbúa:

- Fyrsti fyrirlesturinn fór fram þann 8. apríl en þá sagði Hörður Geirsson, safnvörður ljósmyndasafns Minjasafnsins á Akureyri, frá ljósmyndasýningu safnsins, *Hér stóð búið*, sem fjallar um þróun matvörubúða og sjoppa í bænum og tíðarandann á tímabilinu frá 1930 til 2000.
- Annar fyrirlesturinn var haldinn 28. maí en þá fjallaði Rannveig Karlsdóttir, kennari og þjóðfræðingur, um ævi og störf brautryðjandans og kvenskörungsins Jóninu Sigurðardóttur (1879-1962) húsmæðrakennara.
- Þriðji fyrirlesturinn fór fram 16. september en þá sagði Valgerður H. Bjarnadóttir, fræðikona og félagi í AkAk, frá bernsku Davíðs Stefánssonar skálds.
- Fjórdi fyrirlesturinn var haldinn 21. október en þá greindi Jón Hjaltason, sagnfræðingur og félagi í AkAk, frá hernámsárunum á Akureyri í máli og myndum.

Ekki var hægt að auglýsa fyrsta fyrirlesturinn opinberlega vegna smitvarna á hjúkrunarheimilunum en hinir þrír voru auglýstir sem opnir viðburðir fyrir alla. Fyrirlestrarnir voru ýmist haldnir á Hlíð og Lögmannshlíð og sóttu þá um 170 - 180 gestir.

Í desember 2022 fékk AkAk styrk hjá Menningar- og viðurkenningasjóði KEA til að vera með fjóra fyrirlestra á árinu 2023 fyrir íbúa hjúkrunarheimilanna og aðra bæjarbúa.

- Fyrsti fyrirlesturinn var haldinn í salnum á Lögmannshlíð 28. apríl en þá sagði Bryndís Fjóla Pétursdóttir, garðyrkjufraeðingur og félagi í AkAk, frá nýsköpunarverkefninu *Huldustígur í Lystigarðinum á Akureyri*, sem hún vinnur að hjá AkAk. Um 30 gestir sóttu fyrirlesturinn.

- Annar fyrirlesturinn mun fara fram þann 19. maí á Hlíð en þá ætlar listakonan Guðrún Hallfríður Bjarnadóttir – Hadda - að fjalla um hvernig sauðkindin, og afurðir hennar, hafa nært sköpunarsögu okkar frá upphafi byggðar á Íslandi, og veitt innblástur í verklega og andlega list og handíð.
- Næstu fyrirlestrar verða í september og október á þessu ári.

### **Viðburðir í tengslum við afmæli Akureyrarbæjar**

Í febrúar 2022 fékk AkAk styrk hjá Menningarsjóði Akureyrar til að vera með fjóra viðburði á árinu fyrir bæjarbúa í tengslum við 160 ára afmæli Akureyrarbæjar. Haldnir voru tveir fyrirlestrar, ein söguganga og eitt málþing:

- Fyrsti fyrirlesturinn fór fram 29. apríl í sal Félags eldri borgara á Akureyri við Bugðusíðu, en þá fjallaði dr. Páll Jakob Línadal umhverfissálfræðingur um skipulagsmál. Fyrirlesturinn hét: *Hvers konar þéttbýli viljum við?*
- Annar fyrirlesturinn var haldinn 7. september í sal Félags eldri borgara á Akureyri við Bugðusíðu, en þá sagði Valgerður H. Bjarnadóttir, fræðikona og félagi í AkAk, frá Davíð Stefánssyni skáldi og tengslum hans við Akureyri og fólkið í bænum. Fyrirlesturinn hét: *Þrítugur dæmdur, sextugur heiðraður - Davíð Stefánsson á Akureyri.*
- Boðið var upp á leiðsögn í skólasögustrætó og gönguferð á Akureyrarvöku, 28. ágúst, í samstarfi við Minjasafnið á Akureyri og Strætisvagna Akureyrarbæjar, þar sem fjallað var um menntun og frístundir barna á Akureyri fyrstu 100 árin í sögu bæjarins með áherslu á leikvelli, barnaheimili/leikskóla, smábarnaskóla og barnaskóla.
- Málþing um íslenskufærni innflytjenda var haldið í Hofi, 29. október, með yfirskriftinni: *Fjölmennung á Akureyri: Innflytjendur og íslenskan.* Markmiðið með málþinginu var að hefja samtalið um það sem verið er að gera hér í bænum til að auka færni innflytjenda í íslensku og gera þeim kleift að taka virkan þátt í samfélaginu. Dr. Hermína Gunnþórsdóttir, prófessor Háskólanum á Akureyri, var með inngangserindi, og þar á eftir gerðu fjórir frummælendur frá fræðslukerfinu og aðilum vinnumarkaðarins grein fyrir því sem verið er að gera í þessum málum hér í bænum. Því næst fóru fram umræður í tveimur pallborðum, í fyrra pallborðinu sögðu innflytjendur frá sinni reynslu og í því seinna brugðust frummælendur og fleiri við því sem áður var komið fram, lögðu mat á stöðuna hér í bænum og horfðu fram á veginn. Pallborðsumræðum stýrðu Auður H. Ingólfssdóttir, alþjóðastjórnmalafraeðingur, og Finnur Friðriksson, málfræðingur og dósent Háskólanum á Akureyri. Valgerður H. Bjarnadóttir, fræðikona og félagi í AkAk, var málþingsstjóri.

Um 230 gestir sóttu viðburðina.

## **Bakarís-fyrirlestrar**

Bakarís-fyrirlestrarnir eru samstarfsverkefni AkAk og Brauðgerðarhúss Akureyrar. Markmið þeirra er að kynna verkefni sem fólk hefur unnið að hjá AkAk, bjóða upp á viðburði í Sunnuhlíð og gefa bæjarbúum tækifæri til að fræðast og spjalla um fjölbreytt viðfangsefni. Fyrsti bakarís-fyrirlesturinn fór fram 23. febrúar en þá kynnti dr. Hulda Sædís Bryngeirsdóttir, hjúkrunarfræðingur og aðjúnkt við Háskólann á Akureyri, niðurstöður doktorsrannsóknar sinnar sem hún varði við HA í lok síðasta árs. Rannsóknin fjallar um þær leiðir sem íslenskar konur hafa farið til að ná að eflast og vaxa (e. post-traumatic growth) eftir að hafa verið beittar ofbeldi í nánú sambandi. Um 25 gestir sóttu fyrirlesturinn. Boðið verður upp á fleiri bakarís-fyrirlestra í haust.